

beczalt habin als obingeschrebin stehit, so sullen sie vns vnsern erben vnd erb-
nemen des gerichtes wedir abetreten vnd vns das wedir antworten in allirmasse als
sie das von vns enphangen vnd ingenomen haben ane geuerde. Des zcu orkunde
vnd waren bekentheniß habin wir herczogin Frederich vnd Sigimund vor vns, vnser
erben vnd erb nemen vnser e ingesegele wissintlichin an dissin offin bryeff lassen
hengen, der gegeben ist zcu Aldinburg nach Crist gebord virczehinhundir darnach in
dem funffvnddrissigisten iaren am sontage nach des heiligin nuen iars tage.^{f)}

Nach dem Orig. im Rathsarchiv zu Leipzig mit den beiden Siegeln an Pergamentstreifen.

f) Die Auflösung des Datums in der Ueberschrift erfolgte mit Rücksicht darauf, dass man noch im 15. Jahrhundert in der Merseburger wie in der Meissner Diöcese den Jahresanfang auf den 25. December setzte.

No. 187. 1435. 11. Juli.

Kurfürst Friedrich II. schlichtet einen Streit zwischen dem Thomaskloster und der Stadt wegen des Stadtgrabens hinter dem Kloster.

Wir Friderich von gots gnadin herczog zcu Sachsen lantgraue in Doringen
vnd marcgraue zcu Missen bekennen —. Nach dem vnd die wirdigin vnd erbarn
probiste capittel vnd gancze sampnunge des closters zcu sente Thomas vnser e libin
andechtigin an eynem vnd die ersamen weisen burgermeistere vnd rete vnsir stad
Lipezk vnd liebin getruwen an dem andern teyle in vnwillen vnd in teydingin von
eyns grabins hindir irem clostir vnd andir sachin gewest sind vnd nu der mechtic-
lichin von beyden teylen, sie daruß zcu entscheiden, vnwiddirsprechlichin vff vns
vnd vnsern rad seyn gegangin, sprechin wir mit wissen vnser rates hir nach
geschrebin, das die egnanten vnser e burgere zcu Lipezk den grabin hinder irem
clostere zcu ewigin geczeiten habin, buwehafftig haldin vnd der fische dor innen
genissen sullen, abir die gnanten burgere sollen dem egnanten probiste vnd seiner
sampnunge gvnnen eynes stegis ubir den selbin grabin zcu irem boimgarten vnd
dar inne zcugehin als oft yn des noid seyn wirdit, doch also, das die egnanten prob-
ist vnd capittel den selbin steg vorslossin haldin sollen, das vns, vnsern burgern
adir der stad icht schadin douon enstehe adir komen moge. Hirbye sind gewest
der erwirdige in got vatir herre Johannes bisschoff zcu Merseburgk, der wirdige er
Heinrich Loubing thumprobist zcu Nuemburg vnsir canczler vnd die gestrengin Con-
rad vom Steyn vnsir obirstir marschalck, Friderich von Malticz vnd Hans von
Schonenberg vnser e libin heren vnd frund, rete vnd getruwen. Des zcu orkunde
habin wir herczog Friderich vnser insigil wissintlichin vndin an dissin brieff lassen
drugken, der gegeben ist zcu Lipezk nach gotis gebord virczenhundirt darnach im
funffvnddrissigisten iaren am mantage nach sente Kylianiß tage.

Nach dem Orig. auf Pergament mit dem aufgedrückten Siegel des Kurfürsten im Rathsarchiv zu Leipzig.